

ИККИНЧИ БЎЛИМ**ЎЗБЕКИСТОН РЕСПУБЛИКАСИ ПРЕЗИДЕНТИНИНГ
ФАРМОНИ****198 Ўзбекистон Республикаси Президентининг айрим
хужжатларига ўзгартиш ва қўшимчалар киритиш
тўғрисида**

Ўзбекистон Республикаси Президентининг «Ўзбекистон Миллий теле-радиокомпаниясининг рақамли телеканаллари сонини кўпайтириш, улардан тўлиқ форматда фойдаланиш, сифатли тўлдириш ва хизмат кўрсатиш тўғрисида» 2012 йил 30 июлдаги ПҚ–1794-сонли ва «Ўзбекистон Миллий теле-радиокомпаниясининг медиамаркази фаолиятини ташкил қилиш тўғрисида» 2011 йил 24 февралдаги ПҚ–1488-сонли қарорларига мувофиқ:

1. Ўзбекистон Республикаси Президентининг айрим хужжатларига иловага мувофиқ ўзгартиш ва қўшимчалар киритилсин.

2. Ушбу Фармоннинг ижросини назорат қилиш Ўзбекистон Республикасининг Бош вазири Ш.М. Мирзиёев зиммасига юклансин.

**Ўзбекистон Республикаси
Президенти**

И. КАРИМОВ

Тошкент ш.,
2013 йил 8 апрель,
ПФ–4532-сон

Ўзбекистон Республикаси
Президентининг 2013 йил 8 апрелдаги
ПФ–4532-сонли Фармонига
ИЛОВА

**Ўзбекистон Республикаси Президентининг айрим
хужжатларига киритиладиган ўзгартиш ва қўшимчалар**

1. Ўзбекистон Республикаси Президентининг «Мустақил телерадио каналларни ислоҳ қилиш ва ривожлантириш чора-тадбирлари тўғрисида» 2005 йил 8 ноябрдаги ПФ–3678-сонли Фармони:

а) 7-бандининг учинчи хатбоши қуйидаги тахрирда баён этилсин:

«Ўзбекистон МТРК раисига, зарур ҳолларда, компания ва тобе ташкилотларнинг ташкилий тузилмасига Ўзбекистон МТРК тизимидаги ходим-

Ўзбекистон Республикаси қонун ҳужжатлари тўплами, 2013 й.

ларнинг чекланган сони доирасида ўзгартишлар киритиш ҳуқуқи берилсин».


б) 1-илованинг I бўлими қўйидаги таҳрирдаги 9 — 11-бандлар билан тўлдирилсин:

«9. «O'zbekiston MTRK Mediamarkazi»

10. «Madaniyat va ma'rifat» телеканали

11. «Dunyo bo'ylab» телеканали. Ўзбекистон MTRK»

в) 2-илованинг матни қўйидаги таҳрирда баён этилсин:



Умумий сони — 4556 нафар, шулардан 199 нафари — МБХ».

г) 3-иловада:

13-банддаги «O'zbektelefilm» сўзидан кейин «O'zbekiston MTRK Mediamarkazi», «Madaniyat va ma'rifat» телеканали, «Dunyo bo'ylab» телеканали сўзлари билан тўлдирилсин;

14-банд куйидаги мазмундаги ўн олтинчи — йигирма тўртинчи хатбошилар билан тўлдирилсин:

«Madaniyat va ma'rifat» телеканали» Давлат унитар корхонасининг асосий вазибалари:

аҳолининг маданий ва билим даражасини оширишга йўналтирилган юкори савиядаги бадий, илмий-оммабоп ва маданий-маърифий теледастурларни яратиш, ўсиб келаётган авлодда илмий ихтиролар ҳамда билимларга, маданий бойликларга бўлган кенг қизиқишларини шакллантириш, Ўзбекистон халқининг бой маданий ва маънавий меросини сақлаб қолиш ҳамда бойитиш;

Ўзбекистон Республикасининг маданий ва илмий ҳаётидаги муҳим воқеалардан мамлакат аҳолисини, шунингдек чет эл жамоатчилигини кенг хабардор қилиш, миллий мусиқа, театр ва тасвирий санъатнинг энг яхши намуналарини кўрсатиш, жумладан, ҳозирги замонавий трансляциянинг турли интерактив шакллари ва усулларидан, рақамли ҳамда мультимедия технологиялари имкониятларидан фойдаланган ҳолда миллий адабиёт ва санъатнинг атоқли арбоблари ҳаёти ва ижоди тўғрисида телекўрсатувлар тайёрлаш;

мамлакат аҳолисини, аввалам бор ёшларни илм-фан, маданият ва санъат соҳасида дунё цивилизациясининг илғор ютуқлари билан ҳар томонлама ва холисона таништириш, инсониятнинг маданий ва интеллектуал меросини, шунингдек етакчи хорижий таълим, илмий ва маданий марказлари фаолиятини оммалаштириш;

«Dunyo bo'ylab» телеканали» Давлат унитар корхонасининг асосий вазибалари:

аҳоли, айниқса ёшларнинг дунё мамлакатларининг тарихи, географияси ва замонавий ривожланиш даражаси, жаҳон халқлари миллий анъаналари ва маданиятининг ўзига хослиги тўғрисидаги дунёқарашини кенгайтириш ва билим доирасини оширишни таъминлаш, шу жумладан етакчи дунё телеканаллари телемахсулотларини лицензия асосида намоиш этиш йўли билан буюк географик кашфиётлар, сайёрамиз турли қитъалари ҳамда Дунё океани табиатининг ноёб жиҳатлари, ўсимлик ва ҳайвонот дунёси ажойиботлари билан таништириш;

Ўзбекистоннинг ўсимлик ва ҳайвонот олами, миллий қўриқхоналари ва ўхшаши йўқ табиий-ландшафт зоналари, дунё цивилизациясининг бойлиги ҳамда мулки ҳисобланган чинакам нодир, миллий бетакрор тарихий-меъморий обидалар тўғрисида, айниқса ёш авлодда Ватанига бўлган муҳаббат ҳиссини шакллантиришга йўналтирилган, унинг ўзига хос хусусиятлари ва диққатга сазовор жойларини чуқурроқ ўрганишга бўлган интилишлари, мамлакат минтақаларининг маданий ва этнографик ривожланиши ҳақидаги юкори сифатли махсус илмий-оммабоп ва билим доирасини кенгайтиришга хизмат қиладиган теледастурларни яратиш;

аҳолининг экологик маданиятини ошириш, она табиатни асраб-авайлаш руҳида тарбиялаш, унинг яхши сақланишини таъминлаш, шунингдек атроф муҳитни ҳимоя қилиш бўйича мамлакатимизда ўтказилаётган тадбирлар, Марказий Осиё минтақасида экологик офатларга қарши курашиш ва экологик ҳалокатнинг олдини олиш тўғрисида аҳолини кенг хабардор этиш, табиатни муҳофаза қилиш фаолиятига аҳолининг кенг табақаларини жалб этиш бўйича телекўрсатувлар тайёрлаш;

халқаро жамоатчиликни ва мамлакатимиз аҳолисини Ўзбекистоннинг ноёб туристик салоҳияти, билим берадиган ва экологик туризмнинг имкониятлари ҳамда ривожланиш даражаси тўғрисида кенг хабардор қилиш, Ўзбекистон ҳақида бадиий юксак илмий-оммабоп ва маърифий кўрсатув дастурлари тайёрлаш ва уларни лицензия асосида хорижий каналларга тарқатиш, шунингдек соғлом турмуш тарзи ва фаол дам олиш шакллари оммалаштириш»;

18-банднинг тўртинчи хатбоши қуйидаги таҳрирда баён этилсин:

«зарур ҳолларда, Ўзбекистон МТРК тизимидаги умумий штат бирлиги доирасида Компаниянинг ва тобе ташкилотларнинг ташкилий тузилмасига ўзгартишлар киритади».

2. Ўзбекистон Республикаси Президентининг «Ўзбекистон Миллий телерадиокомпанияси фаолиятини ташкил этиш бўйича тадбирлар ҳақида» 2005 йил 27 декабрдаги ПҚ-245-сонли қарорида:

а) 2-банднинг учинчи хатбоши қуйидаги таҳрирда баён этилсин:

«Ўзбекистон Миллий телерадиокомпаниясининг раисига, зарур ҳолларда, таркибий бўлинмаларнинг ташкилий тузилмасига Ўзбекистон МТРК тизимининг умумий штат бирлиги доирасида ўзгартишлар киритиш ҳуқуқи берилсин»;

б) 6-банднинг учинчи хатбоши қуйидаги таҳрирда баён этилсин:

«Ўзбекистон МТРК таркибига кирувчи давлат унитар корхоналари фаолиятини давлат бюджети маблағлари ҳисобидан молиялаштириш, «Yoshlag» телерадиоканали» ЁАЖдан ташқари, тасдиқланган телерадиоэшиттиришлар ҳажми асосида амалга оширилади»;

в) 10-илованинг I бўлими қуйидаги мазмундаги 7 ва 8-бандлар билан тўлдирилсин:

«	7.	«Madaniyat va ma'rifat» телеканалли»	24,0	—
	8.	«Dunyo bo'ylab» телеканалли»	24,0	—
				»;

«Жами» позицияси қуйидаги таҳрирда баён этилсин:

«	ЖАМИ:	118,7	112,2	»;
---	-------	-------	-------	----

г) 11-илованинг 2-банди «O'zbektefilm» сўзидан кейин «Madaniyat va ma'rifat» телеканалли», «Dunyo bo'ylab» телеканалли» сўзлари билан тўлдирилсин.